



Ministap Uqaqtakhait

Nampa. _____

Uplua _____

Nangariyauyuk Eva Ariak
Hivuliqti Nunavunmun

Havaruirutaata Kanatami Maligaliryauyunik Qauyihaqti Willie Adams

Uqaqtittiiyi, nagikpaqtunga uplumi quviahuutigiumaplugu Nangariyauyuq Willie Adams, 32ni uqiuni havakpangmat havaguingnialikhuni June 10, 2009mi talvanga Kanataup Maligaliryauyunik Qauyihaqtiitni. Tamapta Nunavunmiut, ilitturiumayara havaariqpanngmat quyariyumayaralu kivraqtuivangmat Uqiuktaqtumut - pitjutilihaalihaaqtumiklu –Nunavut talvani Kanatami Maligaliryauyunik Qauyihaqtiitni.

Kanatami Maligaliryauyunik Qauyihaqti Adams tikkuaqtauhimavaqtuq Kanatami Anggayuqqaaryuangugaluqaqtumit, huikhimayuq Pierre Elliott Trudeau, hivulliulikhuni Inuinnaupluni Kanatami Maligaliryauyunik Qauyihaqtitaugupluni. Kanatami Maligaliryauyunik Qauyihaqtitaunggukkaaghuni Nunattiami April 5, 1977 min, 1999gukmat Kanatami Maligaliryauyunik Qauyihaqtitauguplunitauq Nunavunmut. Qanga taimaa uqiuni amigaittuni kivraqtuivaqtuq ikayurahuakhurit Inuinnait Nunavunmiutlu. Willie Adams havaruiqtuq iningnikhanggutqiagupluni Kanatami Maligaliryauyunik Qauyihaqtiunni.

Kanatami Maligaliryauyunik Qauyihaqti Willie Adams alruyaliquinguvuqtuq. Nanminiqarhunilu nanminiripluritlu

Kudlik Electric Ltd, Kudlik Construction Ltd., Polar Bear Cave Investments Nanuq Itiqtivialu Kangiqliniqmi, taapkunanilu Umingmak Expediting Ltd. Aatuaami.

Ilaliutiplunilu havaariyangminnut Kanatami Maligaliriyauyuni Qauyihaqtiitni, Kanatami Maligaliriyauyunik Qauyihaqti Adams' havaanggit havaarivaqtaaitlu ilaupluni talvani Nunattiami Katimayiinggitani 1970 mit 1974 mut.

Uqaqtittiiyi, takunnakhiyuq Kanatami Maligaliriyauyuni Qauyihaqtip havaanggit Nunavunmut havakpiaqpangmatlu, ipakhaani havaruirumatinnani, ilauvaqtuqtauq huliitjutini LaFontaine-Baldwin uqaqtainni Siila Watt-Cloutier hamani Iqalungni May 29-30ngutillugu, utiffaakhuni Aatuaamut tugliutigiplugu kavamatuqait piriqtittinia Kanatami Maligaliriyauyunik Qauyihaqtiitni anggiktarutaanni uvvarut Ilitariyauhimagunut Uqauhirnut Maligaannik June 2 mi.

Quviahuutiqpiaqtara, nakuuvaklunilu tamainin Nunavunmiunit Willie Adams mut havaktiaqpangmat havaruingnakhiyuq. Uqaqtittiiyi, apiriumayatka tamaita ilauyut naammarakukuplugu Kanatami Maligaliriyauyunik Qauyihaqtiivut.

Qujannamik, Uqaqtittiiyi